

Siunissami Suliffeqarfik

Nanoq Mediap ataatsimeersuarnera maajip pingajuani 2025

Nanoq Mediap pingaartittuassavaa tunisassiaatini kiisalu ilaasortaminik sullissinini akitigut unammillertuarnissaat, uani pineqarlutik tv-kanaalit, internetsikkut sullissinerit toqqaannartut, raatiu, bingo allallu ilaasortanut neqeroorutigissallugit.

Tv-kkut kanaalit tuniniarneqarnerat ukiuni arlaqalersuni annikilliertuaarput. Taamatut pisoqarnera nunarsuarmi tamarmi takussaavoq siunissamilu aamma taamatut ingerlanissaa naatsorsuutigisariaqarluni. Unioqutitsillutik (IP-TV) isiginnaagassiarisartut ikiliartornermut peqqutaataapput taamaallunilu TV-ikkut ineriartortitsinerit killilersueqataalluni. Taamaammat ajornartorsiummut unitsitsiniaanissamik pisisarfitsinnut pisortanullu suleqataanissarput ukkanerunissaa naatsorsuutigaarput.

TV-ikkut ilaasortatta Internet aqqutigalugu Web TV-imik malunnartumik atuinerulersimapput. Ilaasortatta piumasariartuleqqavaat Internet aqqutigalugu isiginnaagassiat streaming tjenester amerliartortinnissaat. Tamannalu inerisaqqinnissaa sulissutigissavarput.

Ilaasortagut internet atorneruleriartorpaat, Nanoq Media-lu malinnaasariaqarpoq ilaasortanullu sullissineq tulluarsartariaqarlugu. Tassanilu pineqarput SMS-kkut, nittartakkakut, imminut kiffartuussivimmut aammalu inuit attaveqaqatigiiffiini sullisseriaaseq piorsassallugu.

Angorusupparput Nanoq Media siunissami tassaassasoq ilaasortatta periarfissaat akitigut unammillerluarsinnaasoq TV-kkut internet-kkullu pisiniartarfissaat.

TV raatiulu

TV- mi teknikkikkut atortorissaarutigut suli pingaarnertut europami TV- kkut neqeroorutitut tulluarsagaapput. Aallakaatitsinitsinni atortorissaarutit pitsanngornerisigut internetsikkut TV- kanaalinik suli amerligaluttuinnartunik 2025-mi aallertarnissarput naatsorsuutigaarput. Tamannalu pinasuartumik pisariaqarsimavoq Qaqortumi Parabol-ip anorersuarnermi asorneratigut, søkabel aqqutigalugu kanaalinik tigooraanermut nuutsinneqarmat. Kanaalit Nuummiit tigooraneqarallartassapput ingerlateqqillugillu. Satellit aqqutigalugu kanaalit tigooqqarneqartartut ikilisarneqassapput sinerissamullu ingerlatinneqaqqinnissaat aqqissuunneqassallutik. Allanguinissat pisariaqarfiusuni ingerlanneqassapput parabol-imiit søkabel-ikkut tigooraanerit taarsersorneqarlutik, tamannalu teknikkikkut suliarinissaa piareersimaffigivarput.

Tigooraassutigut nutaangiliartorsimapput 2024-imi 2025-illu aallartinnerani Tv-ikkut attaveqaatigut suliarisariaqarneranik pisariaqartitsingaatsiarsimapput. Ilaasortaqaqfigisagut inukinnerusut

malinnaavigilluarpagut piffissaq nallerpat antenne-ikkut tigooraanermiit internet aqqutigalugu isiginnaarsinnaalernissamut nuunneqarnissaat pisariaqalissanersoq. Taamaalluni Playmaker aqqutigalugu taamaallaat isiginnaarsinnaalersillugit.

Raatiu ingerlalluarpoq ilaasortat naalaartartullu nuannarilluarpaat. Pingaartumik Bingo nuannarineqarlualuni, aammali Bjarne-p aallakaatitassiaa taamatullu "Tusaqqoorpaat" kiisalu piffissani aaliangersimasuniit nipilersukkat nuannarineqarlualtuusut maluginiarneqarpoq.

Internet

Nunatsinni internet-kkut ingerlatsiveqarfitsinni atortorissaaruteqarnikkut sulii pitsaanerpaat ilagivaatigut taamaalluta siunissami internet-kkut atortorissaarnerput qulakkeeqqavarput. 2024-p ingerlanerani internet-mik pisiortortut annertusisimapput, taamaammallu attaveqaateqarfitsinnik 2025-imi qaaffaasaqattaartariaqarsimavugut. Tamanna peqquteqarpoq attaveqaatitta patajaatsuunissaanut sillimmaartaarniarluta aammali ataqatigiimmik aaqqissuusineq isumannaallisaanerlu qaffassarniarlugu.

2024-imi 5G-iikkut attaveqaatit ilaasortatsinniik nuannarineqarsimapput naatsorsuutigarpullu 2025-ip ingerlanerani sulii qaffakkiartornissaa.

Suliffeqarfinnut internet aammaarluta ukkateqqissavarput suliffeqarfinnut annerusunut minnerusunullu.

Allaffisorneq

Ilaasortagut digital-kkut atuigaluttuinnalernikuupput, tamassumalu kingunerisaanik soorunami aqutsisoqarfiupput aamma malinnaatinniarpaput. Maannakkumut SMS imminullu toqqaannartumik sullissinissaq neqeroorutit ingerlatereerpaput tamannalu siunissami annertunerulersarniarparput. Maannakkumut Nanoq Media-p Facebook quppernerani malinnaasut 14.000-iupput, ikkuttakkagullu Facebook-ikkut Instagram-ikkullu takuneqarlualtarput. Nittartakkatsinnut atuisoqarlualtitsivoq taamaammatt 2025-imi ukkateqqinnissaa pilersaarutigarpup.

Aningaasaqarneq aammalu sullissiviqarfigut pillugit

2018-miit 2021-mut siunissaq pillugu aningaasartuuteqangaatsiarsimavugut, 2022-miit 2024-ip tungaanut internet patajaallisarneqarnera ukkanneqarpoq. 2025-imilu TV-qarnermut nalimmassarnissaq ukkanneqassaaq, atortutigut suliarisariaqalertarneri illoqarfinnilu nuup avataaniittuni periarfissat. Tamatunani atortorissarutit sorliit attatiinnarneqassanersut allallu teknologi-mut allamut nuutsitsisoqassanersoq.

Tamassuma saniatigut Internet-mut digital-kkullu ilaasortanut piorsaaqqinnissaq kiisalu neqeroorutaasunut nutaarsaajuartarnissaq qitiutinneqassaaq. Peqatigiiffik 2025-mi siunissamilu ilaasortanut malinnaasumik digital-ikkullu soqutigintarnik neqeroorfigineqarsinnaaniassammata.